

**Scientia Salvatis, Sive Considerationes Piæ, Præcipuam
Spiritualis Vitæ Materiam complectens**

Laberhittel, Samuel

Ingolstadii, 1660

394. Die sancti Jacobi. De remedij co[n]tra defectibilitatem humana[m].

[urn:nbn:de:hbz:466:1-59837](#)

ptem, id est omnia, & definitur quod sit quādam promptitudo mentis & affectūs, qua res divinæ libenter suscipiuntur, & delectabili-
ter cum sapore quodam excentur. Est de-
votio effectus meditationis, cui quārenda
ibidem insistendum, & quia est donum Dei
studiosè peti debet. Cui ut vacaret Magda-
lena, triginta annis desertum incoluit.

Conf. 3. Quod frequentatio SS. Eucha-
ristiæ devotionem perficiat, ideo D. Paulinus
epist. 4. devotionem S. Magdalena adscribit
communioni, osculis (inquit) suggestibus pro-
libavit vivificum panem, hunc & ego manu, o-
re, spiritu, tenebo, stringam, prælibabo, &
gratiam devotionis, & deinceps plenæ dile-
ctionis, meique exinanitionis, (hæc enim se
invicem consequuntur) impetrabo cum
Magdalena, quæ non quesivit sicut Cananeas
micas, sed ipsum Panem Vita amplexa est. Ita D.
Chrys. serm. de Magdal.

MEDITATIO CCCXCIV.

Die S. Iacobi.

*De remedij contra defectibilitatem
humanam.*

Aspiciam filios Zebedæi animosos, sed nisi
majori gratiâ suffultos, defectibiles velut
folium in omnia mobiles & defluos. Petam
simili gratiâ præmuniti.

Conf. 3.

Conf. 3. Quām multi cum duobus filijs Zebedæi, optant esse proximi Christo, insignibus ejus indui, calicem bibere, & in momento aliter sentiunt ad levem displicētiā, ignem ē cœlo miti volunt, de majoratu contendunt, relicto Jesu diffugiunt. Deplorabo defectibilitatem humanam.

Conf. 2. Causam tantæ defectibilitatis esse corpus aggravans animam. Ut via floribus strata duret, debet iterari florū sparsio, quia ibi non crescunt flores, sicut in hortis. Ut transplantatæ arbores fructificant, specialiter curā opus est. Quod proposita non servemus causa est, quia sunt partus spiritūs prompti, non autem carnis infirmæ. Hinc non, quod volo, bonum, hoc ago. Ad Rom. 7. Frigus, quia connaturale est aquæ, semper cum ea manet; calor, quia violentus, non manet, nisi igne admoto.

Conf. 3. Remedium huic malo esse specia- lis gratiæ subsidium; ex parte verò nostra majora facienda, ut serventur minora. Et semper ascendendum, sive per myrrham pœnitētiæ, vel thus orationis, vel aurum virtutum, lucemque boni exempli. Petam quām feryentissimè tria in sumptione Eucharistiæ: ordinari appetitus inordinatos, roborari defectibilitatem meam, & suble- pari me ad eam mei renunciationem,

Ge
ne

ut nunquam amore mei quidquam velim,
sed amore Dei omnia.

MEDITATIO CCCXCV.

Die S. Annae.

Quomodo fieri possumus Gazophylacium
DEI.

Aspiciam D. Annam, Venerabilem DEI
Matris Parentem, velut arcam testa-
menti, in qua reclusum est omne Dei bonum
nostrumque solarium. Petam asequi pat-
rem aliquam gratiae ipsius.

Conf. 1. S. Annam dici ab Angelo apud
S. Brigittam, serm. 10. Omnipotentis Dei
gazophylacium, quia ipsius thesaurum, su-
per omnia sibi amabilem, in suo utero re-
condebat. Si ubi thesaurus, ibi oculus,
jugiter Deus huic thesauro oculis sua
Majestatis infixit.

Conf. 2. Ideo B. Annam in Parentem Ma-
tris Dei, & aviam Christi Domini elestam;
quia sicut aquila eligit pro nido suo arbo-
rem maximè proceram & solidam, sic Deus,
cui omnia nota & aperta sunt, dum universa
conjugia honestissima, quæ à primi homi-
nis creatione deinceps fieri debebant, pro-
spiceret; nullum simile Joachim & Anna
conjugio in omni divina charitate & honestate
prævidit, idcirco ei placuit de hoc sancto
conjugio